

Intsumisioa

Kontzientzi
eragozpena aukera
legitimoa dela dio
Apezpiku
Kastrenseak

IRUÑA

«Kontzientzi eragozpenaren aukera legitimoa da, eta beraz, bai gizarteak baita erakundeek ere errespetatu egin behar dute hori» adierazi zuen Jose Manuel Estepa Llaurensek, Espainiako Armadako Apezpiku Kastrenseak atzo Bilbon. Kontzientzi eragozpena Vaticano II Kontzilioak onartzen duela argi utzi zuen.

'Helduen Katekesia' hitzaldian hartu zuen parte Estepa Llaurensek atzo Iruñean. Nafarroako Unibertsitateak antolatutako Pastoralaren XXV Astea itxi zen hitzaldi honekin. Hala ere, bere mugen legitimitatea gaintuz kontzientzi eragozpena gizarteari inposatzearen aurka azaldu zen.

Kontzientzi eragozpenaren gaia erabat alboratu ondoren, katekesiari buruz ihardun zuen. Bere ustez, katekesiak Espainian erabateko erreforma behar du, haurrak katekizatzear gain, hogeitabost eta berrogei urte bitarteko helduak ere katekizatzeara beharrezkoa delako.

Goardia Zibilak Lezoko intsumisio bat
detenitu zuen ostegun gauean Ibardingo mugan

Intsumisioen kontrako azken atxiloketak salatu dituzte Kakitzat eta HBk

Herenegun gauean intsumisio bat atxilotu zuen Goardia Zibilak Ibardingo mugan. Jose Mari Altzuguren 24 urteko lezotarrak Iruñera eraman zuten atzo eta Antsoaingo koartel militarrean giltzaperatu zuten. Azken atxiloketak direla eta, gobernuak intsumisioekiko daraman «politika errepresiboa» salatu dute talde desberdinek.

BILBO

Egun berean intsumisio bi detenitu zituzten EAEn. Herenegun goizean, David Lorenzo Diaz intsumisio bilbotarra atxilotu zuen Poliziak. Atxilotua Indautxuko komisaldegira eraman zuten, eta han hatz markak hartu ondoren, Mungiako koartelean giltzaperatu zuen Polizia militarrek. Ordu batzuk geroago Jose Mari Altzuguren lezotarra atzeman zuten goardia zibilek Ibardinen. Beste gartzelaratze honekin lau dira jadanik egoera berdinean dauden Euskal Herriko gazteak.

Azken atxiloketa hauen bidez, «PSOE eta militarrek, derrigorrezko soldadutza arautuko duen lege berria inposatu nahi dute», Kakitzatek atzo igorritako oharrean salatu zuenez.



Gobernuak intsumisioekiko duen «politika errepresiboa» salatu du Kakitzatek.

Lege berriarekin, intsumisioen aurkako neurriak askoz gogorragoak direla ere azpimarratzen da, lege hori onartzekotan, intsumisioei ezarritako gartzela zigorra bi urte, lau hilabete eta egun batekoa izango bait da.

Gainera, erabaki guzti hauekin, intsumisioak gizartearen aurrean «kriminalizatzeko» gogoia ikusten du Kakitzatek Madrileko gobernuaren aldetik. «Gobernuko eledunen arabera, 'solidaritaterik gabeko gaizkileak' dira intsumisioak», azpimarratzen zuen oharra.

Zigor hauen helburua intsumisioen jarrera itotzea da Kakitzaten arabera,

hauek izan ditzaketen eskubide zibil guztiak ukatuz. «PSOE nahiz militarrek lortu nahi dutena, intsumisioei 'heriotz zibila' ezartzea da, hau da, dituzten eskubide zibilak kentzea», argudiatu zuen talde antimilitaristak.

HB ERE ADOS Bilboko Herri Batasunak ere bere elkartasuna adierazi dio atxilotua izan den David Lorenzo intsumisio gazteari, atzo argitara emandako agirian. HBren arabera, «intsumisio gazte hau, gobernu espainolak ohizkoa duen itxitasunaren eta jarrera militaristaren biktima izan da».

Honen aurrean, HBk udaleko eleduen bilera bat deituko duela iragarri du, David Lorenzo atxilotuaren aldeko proposamen desberdinak aurkezteko. Hauetatik lehenengoa intsumisio honen berehalako askatasunaren eskaera izango da, eta baita ere egoera berdinean dauden gazte guztiena.

Lau lagun hilik
ezbehar ezberdinen
ondorioz atzo
Euskal Herrian

DONOSTIA

Egun tamalgarria izan zen atzokoa Euskal Herrian, eguraldi txarrak eraginda edo, lau pertsona hil bait ziren ezbehar ezberdinen ondorioz. Kataluniako senar-emazte bikotea hil zen goizeko zortziak hamar gutxiagotan Ablitasen (Nafarroa) izandako auto istripuan. Autoak bide bazterreko poste bat jo zuen errepidetik irten eta gero. Ondorioz, Eloy Alvarez Fernandez berrogeitamar urtekoa eta bere emaztea Maria Angeles Cabo Corredera berrogeitasei urtekoa hil ziren; Hospitalet de Llobregat-ekoak ziren biak. Beraiekin zihoan hamabi urteko alabak zauri larriak zituen.

Goizeko zazpitan beste auto istripua izan zen Ordizian (Gipuzkoa). Pegaso kamioiak eta frantsez matrikulako autoak elkarren kontra jo zuten, eta istripuaren ondorioz, Victor M. hogeitamar urteko auto frantseseko gidaria hil zen. Bere bi seme-alaba tikiak zauri larriak zituzten, eta emaztea berriz, onik atera zen ezbeharretik.

Matiena eta Abadino (Bizkaia) artean, bestalde, Vicente G.F. hogeitau urteko bilbotarra hil zen, bera zihoan motoa kamio baten azpian sartu ondoren. Arratsaldeko ordu bata eta hamabi minutuan gertatu zen.

Legorretan (Gipuzkoa) azkenik, Michael Lambrou hemezortzi urteko alemaniarra hil zen. Treanean zihoan gaztea, eta trenan Legorretako tunelera sartzean ez zen horretaz ohartu eta tunelaren kontra jo zuen.

Unibertsitatea

EHUko Ikasle Kontseilua ere «paktu zabalaren»
alde agertu da arazoak konpontzeko

DONOSTIA

EHUko Ikasle Kontseiluak «behar beharrezkotzat» jo du Unibertsitatearen akordio «serioa» lortzea, arlo horretako sektore guztiek parte hartuko dutena. Ikasleen erakunde hau bat dator, beraz, Ignacio Etxebarria Euskal Herriko Unibertsitateko Kontseilu Sozialaren presidentek azken egunotan esandakoekin.

Inaxio Oliveri, Eusko Jaurlaritzaren Hezkuntza sailburua ere aukera honen alde agertu da Emilio Barbera errektoreak hauteskundeak egiteko asmoa azaldu eta bere burua ez zuela aurkeztuko adierazi eta gero.

Xabier Mendozak, EHUko Ikasle Kontseiluaren idazkariak, ez du egokitzen Barberaren dimisioa, baina geroago azaldu duenez, «irteerak ez dio kalte gehiagorik egingo Unibertsitateari».

Kontseilu honek ez du oraindik inolako baloraziorik egin errektoreak joan zen astearen jakin erazirik erabakiari buruz. Deliberamendua araberak, Barberak hauteskundeak eratuko ditu irail edo urriaren EHUko errektoretzarako eta ez da hautagai izango bozketa hauetan.



EHUko arazoak konpontzeko kontsentsu zabalaren alde dago Ikasle Kontseilua.

Gai honi irailen egingo duen batzaren ekingo dio Kontseiluak.

Unibertsital hitzarmenaz erabat konforme agertu da Mendozak. «Unibertsitatearen inoiz baino garrantzitsuagoa da gaur egun akordio hau. Kontua ez da errektorea ona ala txarra izatea; egiturek funtzionatzea baizik, eta horretarako ezinbestekoa

da bere inguruan ahalik eta kontsentsurik zabalena izatea» eman du aditzera.

Ikasle Kontseilua, bestalde, Juan San Martin EAeko Arartekoarekin mintzatu da ekainean azterketak egin ezin izan zituzten ikasleen eskubideak defendatzen dituzten Unibertsitateko arduradunekin hitzeginaz.

Jaurlaritzak 'Martorell informea' inposatu
nahi duela salatu du Bizkaiko CCOOek

BILBO

Osasun publikoko errekurtsioak gaizki kudeatu direla salatu du Bizkaiko CCOO sindikatuaren Osasun Langileen Federazioak. Beren ustez, Euskal Autonomi Elkartearen 'Martorell Batzordearen' proposamenak inposatzen ari dira bitarteko sozialei galdetu gabe eta inolako azterketarik egin gabe.

Batzorde honek aurkeztutako proposamenen aurka dago CCOO sindikatuko Osasun Langileen Federazioa, «osasun publikoko errekurtsioak hobeto banatzearen moderazio bat eskatzeaz gain, zerbitzu askoren pribatizazioa proposatzen duelako 'Martorell Informeak'». Informea Espainiako Diputatu Kongresuak agindu zuen joan zen urtean lurralde honetako osasun egoera aztertu eta krisiari aurre egiteko moduak erabakitzeko.

Sindikatuak azpimarratu duenaren arabera, bitarteko eta tresnen kudeaketa txarra zor publikoaren ondorioa izanik, pertsonal publikoak betetzen ez dituen zereginak egiteko enpresa pribatuak kontratatzea, ez da irtenbiderik egokiena. Gastuak bikoiztu besterik ez dira egiten honela, CCOOen aburuz, eta gainera, etekinak eskuratzen dituen enpresa pribatua dela salatu du. Enpresa publikoak ordea, bide honi eutsiz gero, ez duela zerbitzu berririk lortuko salatu du CCOOek.

Sindikatu horren arabera, kargu publikoak beraiei dagokien lana egiteko gai ez direla esan nahiko luke gestioaren pribatizatzear. Diru publikoaren gestio hobia ekarriko luketen ezkutuko arrazoi ekonomikoak egonik, ulergarria litzateke neurri hau CCOOen ustez, zerbitzu publikoaren hobekuntza ekarriko ez badute ere.